

- სპორტულ ღონისძიებებში წარჩინებულთა წახალისებისათვის 2 275 ლარი
- საგანმანათლებლო მედია-პროექტი „ეტალონი“ ბაღდათელი მოსწავლეების მონაწილეობით 2 960 ლარი.
- ახალგაზრდული ინიციატივების წახალისება 660 ლარი.
- 1 ივნისი ბავშვთა დაცვის დღისადმი მიძღვნილი ღონისძიება 500 ლარი.
- ეროვნული დღესასწაულებისადმი მიძღვნილი ღონისძიებები „ზეკარობა“ 2 000 ლარი.
- საიუბილეო ღონისძიებებისათვის ფულადი ჯილდო 1875 ლარი
- ინტელექტუალური თამაში რა? სად? როდის? 172 ლარი
- მაიაკოვსკის წიგნის თარგმანის გამოცემისათვის 2000 ლარი
- ეკო ფესტივალი „ბაღდათის ზეცა“ 1190 ლარი

სულ 25 525 ლარი.

წლის განმავლობაში პერმანენტული ხასიათი ჰქონდა სხვადასხვა სახის გასართობ წარმოდგენებს, შემეცნებით აქტივობებს, ახალგაზრდულ შეხვედრებსა და სალონურ ღონისძიებებს. აღსანიშნავია ის, რომ რეგულარული ხასიათი ჰქონდა ვალერიან ქაშაკაშვილის სამუსიკო სკოლაში თემატურ საღამოებს, წითელხევის სახელოვნებო სკოლაში ღირშესანიშნავ თარიღებთან დაკავშირებულ ღონისძიებებს, ახალგაზრდული ცენტრის მიერ მრავალფეროვანი წარმოდგენებისა და შემეცნებითი ხასიათის ღონისძიებებს, ვ. მაიაკოვსკის სახელობის მუზეუმის ლიტერატურული სალონის შეხვედრებს და აქტივობებს, ჯანსუღ ღვინჯილიას სახელობის ბიბლიოთეკის შემოქმედებით-ლიტერატურულ კონკურსებსა და წიგნების პრეზენტაციებს, რევაზ ლაღიძის კულტურის ცენტრის შემოქმედებითი ჯგუფების კონცერტებს და სპორტული სკოლისა და ინოვაციების ცენტრის მიერ ორგანიზებულ სხვადასხვა აქტივობებს. ამასთან მოგახსენებთ, რომ კულტურის, განათლების, სპორტისა და ახალგაზრდობის საქმეთა სამსახური მჭიდრო ურთიერთთანამშრომლობას აგრძელებს საერთაშორისო ორგანიზაცია World Vision-თან, აღნიშნულ ორგანიზაციასთან თანამშრომლობით და განათლების, მეცნიერების, კულტურის და სპორტის სამინისტროს აქტიური მხარდაჭერით მიმდინარე წელს ჩატარდა ახალგაზრდების საჭიროებებისა და ინტერესების კვლევა მუნიციპალიტეტში, რამაც შესაძლებელი გახადა ახალგაზრდული სტრატეგიული გეგმის შემუშავება, ბაღდათის მუნიციპალიტეტში მცხოვრები ახალგაზრდების მონაწილეობით, რომლის იმპლემენტაცია 2019 წელს დაიწყო და 2022 წლამდე პერიოდს მოიცავს. აქტიურად მიმდინარეობს თანამშრომლობა ახალგაზრდულ საბჭოსთან, რომელიც მუნიციპალიტეტის ყველა თემის თითო წარმომადგენლითაა დაკომპლექტებული და მერის სათათბირო ორგანოს წარმომადგენს ახალგაზრდულ საკითხებში. ახალგაზრდების არაფორმალური განათლების მიღების მიზნით, აქტიურად იქნა მხარდაჭერილი World Vision-ის ინიციატივა და ერთი წლის განმავლობაში 20 ახალგაზრდისაგან შემდგარი ჯგუფი, კვირაში ერთი დღე სხვადასხვა თემებზე ტრენინგებით, აქტივობებით, პრეზენტაციებით მიიღებენ არაფორმალურ განათლებას, რაც წარმატებული მომავლის დაგეგმვაში გამოადგებათ. განხორციელდა გაცვლითი სასწავლო პროგრამა დამეგობრებულ ქალაქ ლისომიციესთან (პოლონეთი), ბაღდათის საჯარო სკოლებიდან 12 წარჩინებული მოსწავლე 2 პედაგოგთან ერთად, იმყოფებოდნენ პოლონეთში, სადაც გაეცნენ იქაურ კულტურას, ტრადიციებს, მონაწილეობა მიიღეს სხვადასხვა შემეცნებით და სპორტულ აქტივობებში. მომავალში ვფიქრობთ ერთობლივი საგანმანათლებლო პროექტების განხორციელებას.

მაისის დასაწყისში, ფოლკლორული სიმღერის ანსამბლი „საირმე“, ერთი კვირით გერმანიაში იმყოფებოდა და ქალაქ ბერლინში გამართულ მარცალ-ჰელლესდორფის საერთაშორისო ფესტივალში მიიღო მონაწილეობა. წარმატებული გამოსვლის შემდეგ ბაღდათის მუნიციპალიტეტის

მერმა მადლობის წერილი და მომავალი წლის მიწვევა მიიღო ფესტივალის ორგანიზატორებისგან. ეს ფაქტი ძალიან მნიშვნელოვანია მუნიციპალიტეტისთვის, ვინაიდან 4 ათეული წელია ანსამბლს საქართველოს ფარგლებს გარეთ კონცერტი არ ჰქონია.

მუნიციპალიტეტის ტერიტორიაზე არსებული კულტურული მემკვიდრეობის ძეგლებიდან 2018 წელს, ფონდი „ქართუ“-ს დაფინანსებით დაიწყო მე-7 საუკუნის ძეგლის „ბერიეთი“-ს ტაძრის სრული რეაბილიტაცია, რომელიც 2019 წელს დასრულდება, ასევე დაწყებულია დივნას ციხის მიმდებარე ტერიტორიის გასუფთავება, რომელის 2019 წელს გაგრძელდება. მოხდება ციხის ნაშთებისა და ჯვრის განათება, რაც ამ უძველეს ციხეს მიმზიდველს გახდის.

არსებობს გარკვეული პრობლემები, რომელთა გადაჭრა აუცილებლობას წარმოადგენს. შევეცდები წარმოგიდგინოთ რამდენიმე მათგანი.

- აუცილებელია ბაღდათს ჰქონდეს სპორტული კომპლექსი.
- სარეაბილიტაცია კულტურის ცენტრის მცირე დარბაზი და პირველ სართულზე განთავსებული ახალგაზრდული ბარი. რეაბილიტაციის შემთხვევაში მასში მიზანშეწონილია განთავსდეს ახალგაზრდული შეხვედრებისა და ღონისძიებების ცენტრი და კინო სალონი.
- კულტურის ცენტრის დიდ დარბაზში დასამონტაჟებელია გათბობისა და გაგრილების სისტემა.
- ხალხური სიმღერისა და ცეკვის ანსამბლებისათვის შესაძენია ახალი ეროვნული სამოსი.
- ქორეოგრაფიული ანსამბლისათვის შესაძენია რეკვიზიტები და აქსესუარები.
- კულტურის ცენტრისთვის საჭიროა ხმის გამამლიერებლის შეძენა.
- ახალგაზრდობის ცენტრი საჭიროებს სარემონტო სამუშაოებს.
- საბავშვო ბაღების პერსონალი საჭიროებს გადამზადებას, ინფრასტრუქტურა მოსამზადებელია ავტორიზაციის პროცესისათვის.
- საბავშვო ბაღებს აქვთ მეთოდურ ი- დამხმარე ლიტერატურის და სათამაშოების ნაკლებობა.

ეს ის მცირე ჩამონათვალია, რომლის გადაჭრაც შეცვლის განათლების, კულტურის, სპორტის და ახალგაზრდული სფეროების განვითარებას ბაღდათის მუნიციპალიტეტში.

წარმოგიდგენთ 2018 წლის კულტურის, განათლების, სპორტისა და ახალგაზრდობის სფეროში შესრულებულ ღონისძიებებს და აქტივობებს:

კულტურის სფერო:

- 1 იანვარი - რევაზ ლალიძის კულტურის ცენტრში გაიმართა ა.(ა).ი.პ. მუსიკისა და ხელოვნების განვითარების ფონდის შემოქმედებითი ჯგუფის მიერ მომზადებული ზღაპარი. ბავშვებისათვის დამზადდა 1000(ათასი) ერთეული სასაჩუქრე პაკეტი, რომლის ღირებულებამაც შეადგინა 4300(ოთხი ათას სამასი) ლარი.
- 2 იანვარი -ახალგაზრდულ ცენტრში გაიმართა ცენტრის აღსაზრდელების მიერ მომზადებული საახალწლო კონცერტი.
- 7 იანვარი - ქალაქის ცენტრში მოეწყო ეროვნულ სამოსში შემოსილი ახალგაზრდობისა და შემოქმედებითი ჯგუფების საზეიმო მსვლელობა.

- 14 იანვარი - თეატრის დღესთან დაკავშირებით რევაზ ლალიძის კულტურის ცენტრში მოეწყო თეატრის ისტორიის გამოფენა და ნაწყვეტების ჩვენება თეატრის მიერ დადგმული სპექტაკლებიდან.
- 15 იანვარი - რევაზ ლალიძის სახელობის კულტურის ცენტრში მოეწყო საბავშვო თეატრ „ირიდას“ მირ დადგმული საახალწლო სპექტაკლის ჩვენება.
- 13 აპრილი - ჯანსუღ ღვინჯილიას სახელობის ბიბლიოთეკა დედაენის დღისადმი მიძღვნილი ღონისძიება „ო, ენავ ჩემო“.
- 17 აპრილი - ვ. მაიაკოვსკის გარდაცვალების 88 წლისადმი მიძღვნილი სალონური საღამო მისივე სახელობის მუზეუმში.
- 16-21 აპრილი - ჯანსუღ ღვინჯილიას სახელობის ბიბლიოთეკაში გაიმართა საბიბლიოთეკო კვირეული.
- 3 მაისი - რევაზ ლალიძის სახელობის კულტურის ცენტრში გაიმართა ვალერიან ქაშაკაშვილის დაბადებიდან 120 წლის იუბილისადმი მიძღვნილი ღონისძიება.
- 9 მაისი - ვლადიმერ გუბელაძის ძეგლი შეიმკო ყვავილებით და გაიმართა ლიტერატურული კომპოზიცია ომის თემაზე.
- 5 მაისი - ვ. მაიაკოვსკის სახელობის მუზეუმში გაიმართა კარლო გოგსაძის წიგნის „საფუძვლები და გამომდინარეობანი“ პრეზენტაცია.
- 19 მაისი - ვ.მაიაკოვსკის სახელობის მუზეუმში გაიმართა ღონისძიებათა კომპლექსი „მოდის ღამე მუზეუმში“.
- 20-21 მაისი - რევაზ ლალიძის კულტურის ცენტრში გაიმართა ადგილობრივი ქორეოგრაფიული ანსამბლის შემაჯამებელი კონცერტი.
- 26 მაისი - რევაზ ლალიძის კულტურის ცენტრში გაიმართა საქართველოს დამოუკიდებლობის დღისადმი მიძღვნილი კონცერტი.
- 24 ივნისი - რევაზ ლალიძის კულტურის ცენტრში გაიმართა ანსამბლ ანჩისხატის კონცერტი.
- 14 ივლისი - ჯანსუღ ღვინჯილიას სახელობის ბიბლიოთეკაში გაიმართა ნოდრ დუმბაძის საიუბილეო საღამო.
- 19 ივლისი - ვ.ვ. მაიაკოვსკის სახელობის მუზეუმში გაიმართა ვ.ვ. მაიაკოვსკის 125 წლის იუბილისადმი მიძღვნილი ღონისძიება.
- 12 აგვისტო - დიდმაღალის ქედზე ზღვის დონიდან 2200 მეტრზე გაიმართა საერთო-სახალხო დღესასწაული „ზეკარი“.
- 8 აგვისტო - 2008 წლის 8 აგვისტოს საქართველო- რუსეთის ომში დაღუპული გმირების ფელიქს კაკურიძისა და სვიადა კაცაძის სახელობის ქუჩების გახსნა, საფლავების შემკობა გვირგვინებით და ომში დაღუპული გმირების მემორიალის გახსნა სოფელ დიმში.
- 27 სექტემბერი - ჯვართამაღლებისა და სოხუმის დაცემის დღესთან დაკავშირებით დაღუპულ გმირთა მემორიალის შემკობა გვირგვინით და დაღუპულ გმირთა მოსახსენიებელი პარაკლისის გადახდა.
- 5-12 ოქტომბერი - საერთაშორისო ეკო-არტფესტივალი „ბაღდათის ზეცა -სულის ეკოლოგია“
- 13 ოქტომბერი - სახალხო დღესასწაული „ბაღდათობა“ მუნიციპალიტეტის ყველა სოფლის მონაწილეობით /ეკო-პროდუქტების გამოფენა/
- 1 ნოემბერი - ჯ. ღვინჯილიას სახელობის ბიბლიოთეკა იაკობ გოგებაშვილისადმი მიძღვნილი საღამო.
- 2 ნოემბერი - რევაზ ლალიძის კულტურის ცენტრი საბავშვო კონცერტი.
- 4 დეკემბერი - რევაზ ლალიძის სახელობის კულტურის ცენტრი სასკოლო ფესტივალი მხიარულთა და საზრიანთა კლუბებს შორის.
- 20 დეკემბერი - ჯ. ღვინჯილიას სახელობის ბიბლიოთეკა საბიბლიოთეკო წლის სემაჯამებელი ღონისძიება „პროლოგი“.

- 24 დეკემბერი - ჯ. ღვინჯილიას ბიბლიოთეკა საქველმოქმედო ღონისძიება „შენ შეგიძლია დამეხმარო“.
- 25 დეკემბერი - ვ. ვ. მაიაკოვსკის მუზეუმი მაიაკოვსკის ავანგარდული შემოქმედების გაცნობა.
- 28 დეკემბერი - რ. ლალიძის სახელობის კულტურის ცენტრი საახალწლო კონცერტი.

გარდა ზემოთ აღნიშნული ღონისძიებებისა 2018 წელს რევაზ ლალიძის სახელობის კულტურის სახლში მოეწყო კულტურის სფეროში მოღვაწე პიროვნებების - ნოდარ ფულარიანისა და ავთანდილ გოგავას საიუბილეო საღამოები, ასევე ანსამბლ „საირმის“ 60 და ანსამბლის ლოტბარ სულიკო ვეფხვაძის სცენაზე მოღვაწეობის 40 წლის იუბილისადმი მიძღვნილი ღონისძიება.

ფესტივალ „თეატრალური იმერეთი“-ში ბაღდათის სახალხო თეატრი წარდგენილი იყო სპექტაკლით „სამანიშვილის დედინაცვალი“, რომელმაც მაყურებლის დიდი მოწონება დაიმსახურა და თეატრალურ დასს სამი ნომინაცია მოაპოვებინა: მამაკაცის როლის საუკეთესო შესრულებისთვის მელიტონ ჯაფარიძე, ქალის ეპიზოდური როლის საუკეთესოდ განსახიერებისთვის ლელა ჭრელაშვილი და სპექტაკლის მხატვრულად გაფორმებისთვის მამუკა ტყეშელაშვილი დაჯილდოვდნენ.

ქალაქ წყალტუბოში ჩატარებულ ფესტივალ „რეტრო 2018“ ტრიო „იმერეთმა“ პირველი ადგილი დაიმსახურა, ხოლო ვარენკა წერეთელის სახელობის ლირიული სიმღერის ფესტივალ „სულიკო 2018“-ში წარმატებული გამოსვლისათვის საპრიზო ადგილი დაიკავა.

2018 წელს მოხდა ორი ბიბლიოთეკის სოფელ წითელხევისა და სოფელ პირველ ოზჩის ბიბლიოთეკების აღდგენა და საქართველოს საბიბლიოთეკო ასოციაციის მიერ მათი აღჭურვა კომპიუტერული ტექნიკით.

განათლების სფერო:

- 3 მარტი-ახალგაზრდულ ცენტრში გაიმართა დედის დღისადმი მიძღვნილი კაფე საღამო.
- როკითის საჯარო სკოლა დაჯილდოვდა 500 ლარით კავკასიის გარემოს დაცვითი არასამთავრობო CENC-ის მიერ გამოცხადებულ კონკურსში „ნიკო კეცხოველის“ კვალდაკვალ გამარჯვებისათვის
- 9 მარტი- ახალგაზრდულ ცენტრში გაიმართა ქალთა დღისადმი მიძღვნილი პოეტ გიზო თავაძის შემოქმედებითი საღამო.
- 16-30 მარტის ჩათვლით განხორციელდა მუნიციპალიტეტში არსებული სკოლამდელი აღზრდის დაწესებულებების მონიტორინგი სასწავლო საადმინისტრაციული მეთოდოლოგიაში.
- 28 აპრილი- ბაღდათის სალოტბარო სკოლამ მონაწილეობა მიიღო საგუნდო საზოგადოების მიერ გამართულ ფესტივალში ზ. ფალიაშვილის სამუსიკო სკოლაში.
- 19 აპრილი- ბაღდათის N 2 საჯარო სკოლაში გაიმართა ბაღდათის საჯარო სკოლებს შორის სოციალურ საგანმანათლებლო პროექტი „ეტალონი“.
- 24 მაისი- ახალგაზრდულ ცენტრში გაიმართა აქტივობა სახელწოდებით „ქალთა როლი ცნობილი მწერლების ცხოვრებაში“.
- 26 მაისი- ახალგაზრდულ ცენტრში გაიმართა დამოუკიდებლობის დღისადმი მიძღვნილი ღონისძიება, ადგილობრივი შემოქმედებითი ჯგუფების მონაწილეობით.

- 29 მაისი- ახალგაზრდულ ცენტრში გაიმართა საჯარო სკოლებს შორის ინტელექტუალური თამაში: „რა? სად? როდის?“
- 31 მაისი- წითელხევის კოტე ფოცხვერაშვილის სახელობის ხელოვნების სკოლაში გაიმართა კოტე ფოცხვერაშვილის ჰიმნის „დიდება“ 100 წლის იუბილისადმი მიძღვნილი ღონისძიება, ადგილობრივი შემოქმედებითი ჯგუფების მონაწილეობით.
- 1 ივნისი- ახალგაზრდულ ცენტრში გაიმართა ბავშვთა დაცვის დღისადმი მიძღვნილი სხვადასხვა სახის აქტივობები, რომელშიც ჩართულები იყვნენ საბავშვო ბაღების აღსაზრდელები.
- 1-8 ივნისის ჩათვლით განხორციელდა მუნიციპალიტეტში არსებული სკოლამდელი აღზრდის დაწესებულებების მონიტორინგი სასწავლო საადმინისტრაციული მეთოდოლოგიაში.
- 4 ივნისი-გაიმართა ვ. ქაშაკაშვილის სახელობის სამუსიკო სკოლის წლის საანგარიშო კონცერტი.
- 24 ივნისი- ახალგაზრდულ ცენტრში გაიმართა სალოტბარო სკოლის კონცერტი
- 12 აგვისტო - ახალგაზრდების საერთაშორისო დღე
- 1-5 ოქტომბერი ახალი სასწავლო წლის მილოცვა სკოლამდელი აღზრდის დაწესებულებებში.
- 16 ოქტომბერი- ბაღდათის მუნიციპალიტეტის სალოტბარო სკოლამ მონაწილეობა მიიღო საჩხერის მუნიციპალიტეტის მიერორგანიზებულ ფესტივალში.
- 9-10 ნოემბერი-ბაღდათის მუნიციპალიტეტის სალოტბარო სკოლამ მონაწილეობა მიიღო ოზურგეთის მუნიციპალიტეტის მიერ ორგანიზებულ ფესტივალში.
- 17 ნოემბერი- ახალგაზრდულ ცენტრში გაიმართა გალაკტიონ ტაბიძის იუბილისადმი მიძღვნილი პოეზიის საღამო, სახელწოდებით „უცნობი გალაკტიონი“.
- 22 ნოემბერი- ახალგაზრდულ ცენტრში გაიმართა გიორგობის დღესასწაულისადმი მიძღვნილი ღონისძიება.
- 30 ნოემბერი-ახალგაზრდულ ცენტრში გაიმართა ღონისძიება სახელწოდებით „შემოდგომა იმერეთში“.
- 5 დეკემბერი- წითელხევის კოტე ფოცხვერაშვილის ხელოვნების სკოლაში გაიმართა ღონისძიება სახელწოდებით „სკოლა ჩვენი მეორე სახლია“.
- 17 დეკემბერი- ახალგაზრდულ ცენტრში გაიმართა მოსწავლეებთან შეხვედრა ბარბარობის დღესასწაულთან დაკავშირებით.
- 20 დეკემბერი- წითელხევის კოტე ფოცხვერაშვილის ხელოვნების სკოლაში გაიმართა მათა გუბელაძის წიგნის „ გზა დიდებისაკენ“ პრეზენტაცია.
- 25 დეკემბერი- ვალერიან ქაშაკაშვილის სამუსიკო სკოლაში გაიმართა საშობაო კონცერტი
- 26 დეკემბერი- წითელხევის კოტე ფოცხვერაშვილის ხელოვნების სკოლაში გაიმართა საშობაო კონცერტი.

სპორტის სფერო:

- 2018 წლის სპორტული კალენდრის მიხედვით ბაღდათის მუნიციპალიტეტში განხორციელდა სხვადასხვა სპორტული აქტივობები.

- მარტის თვეში ჩატარდა სასკოლო სპორტული ოლიმპიადის ეგიდით შეჯიბრებები სხვდასხვა სპორტულ სახეობებში.
- ასევე მარტის თვიდან ა.(ა).ი.პ. საფეხბურთო კლუბი „საირმე“ ჩაერთო დასავლეთ რეგიონალიგის გათამაშებაში, რომელიც მიმდინარეობდა ნოემბრის ბოლომდე.
- 6 აპრილი - „სპორტის საერთაშორისო დღესთან“ დაკავშირებით გაიმართა სხვადასხვა სპორტული ღონისძიებები.
- 10 აპრილიდან 20 აპრილის ჩათვლით გაიმართა ფეხბურთში „მოყვარულთა თასი“-ს გათამაშება ბაღდათის მუნიციპალიტეტის ტერიტორიულ ერთეულების გუნდებს შორის.
- 20-21-22 პრილი- ა.(ა).ი.პ. სპორტისა და მოზარდთა აქტივობის ცენტრმა უმასპინძლა თემურ ვაშაყმაძის სახელობის საერთაშორისო ტურნირს ბერძნულ-რომაულ ჭიდაობაში.
- 14-15 მაისი- „სპორტი ბარიერების გარეშე“ ეგიდით გაიმართა ასპარეზობები მინი ფეხბურთში და ჭადრაკში საჯარო სკოლის მოსწავლეებს შორის.
- 8-9-10 ივნისი ა.(ა).ი.პ. სპორტისა და მოზარდთა აქტივობის ცენტრმა უმასპინძლა ლევან ებანოძისა და ავთანდილ გურგენიძის სახელობის საერთაშორისო ტურნირს თავისუფალ ჭიდაობაში.
- 23 ივნისი- „ოლიმპიზმის დღესთან“ დაკავშირებით გაიმართა მარათონული გარბენი.
- 15 ივლისიდან 25 ივლისის ჩათვლით გაიმართა მინი ფეხბურთის გათამაშება ბაღდათის მუნიციპალიტეტში არსებულ ორგანიზაციებს შორის.
- 10 ივლისიდან 10 ნოემბრის ჩათვლით მიმდინარეობდა „მოყვარულთა თასის“ რეგიონალური გათამაშება, სადაც აქტიურად მონაწილეობდა ბაღდათის მოყვარულ ფეხბურთელთა გუნდი საშინაო და გასვლით შეხვედრებში.
- 12 აგვისტო- „ახალგაზრდობის საერთაშორისო დღესთან“ დაკავშირებით გაიმართა ტურნირი ქუჩის კალათბურთში.
- 23 სექტემბრიდან 30 სექტემბრის ჩათვლით „ევროპის სპორტის კვირეულის“ ფარგლებში გაიმართა სხვადასხვა სპორტული ღონისძიებები.
- - 6 ოქტომბრიდან 8 დეკემბრის ჩათვლით ჩატარდა სასკოლო სპორტული ოლიმპიადის ეგიდით შეჯიბრებები სხვადასხვა სპორტულ სახეობებში.
- 3-4 ნოემბერი- ა.(ა).ი.პ. სპორტისა და მოზარდთა აქტივობის ცენტრმა უმასპინძლა გიორგი ბოგდანოვისა და გურამ გობეჯიშვილის სახელობის რესპუბლიკურ ტურნირს თავისუფალ ჭიდაობაში.
- 20 დეკემბერი- გაიმართა მირიან ენდელაძის სახელობის ტურნირი ჭადრაკში ბაღდათის მუნიციპალიტეტში არსებულ ორგანიზაციებს შორის.
- 2018 წლის ბოლოს საუკეთესო შედეგების მიხედვით დაჯილდოვდა 5 სპორტსმენი:
 1. ბექა გიგაშვილი (რაგბი)
 2. ლუკა რურუა (თავისუფალი ჭიდაობა)
 3. ნიკოლოზ მშვილდაძე (ბერძნულ-რომაული ჭიდაობა)
 4. ჯაბა ადამია (ჭადრაკი)
 5. გიორგი კვეტენაძე (შშპ პირთათვის სპორტული წრის ჩამოყალიბებაში შეტანილი წვლილისათვის)

ახალგაზრდული საქმეები

პრობლემური საკითხებიდან ცალსახად სიმწვავით და მაშტაბურობით გამოირჩევა უმუშევრობის პრობლემა ახალგაზრდებში, შესაბამისად, განისაზღვრა გარკვეული, სტრატეგიული გეგმა. კერძოდ, საკითხის განხილვა, უწყვეტი განათლების სისტემის ჭრილში, რომელიც გულისხმობს ცხოვრების ნებისმიერ ეტაპზე ადამიანის უფლებას, რომ განსაზღვროს საკუთარი შესაძლებლობები, ინტერესები, მიიღოს გადაწყვეტილება განათლების მიღებასთან და პროფესიის შეცვლასთან დაკავშირებით. აქტუალური გახდა პროფესიული განათლების პოპულარიზაციის, არაფორმალური განათლების ხელშეწყობა და მოდერნიზაცია, მით უფრო იმ ფონზე, რომ მუნიციპალიტეტის პრიორიტეტულ მიმართულებებს წარმოადგენს ტურიზმი და სოფლის მეურნეობა. ამავდროულად რეგიონში არსებობს საზოგადოებრივი კოლეჯი „იბერია“, სადაც სხვადასხვა საინტერესო პროფესიული პროგრამებია საინჟინრო და აგრო მიმართულებით, თუმცა სამომავლო გეგმა მოიცავს დაინტერესებული ჯგუფების სრულ ინფორმირებას, პროფესიული კოლეჯების ფართო სპექტრით გაცნობისა და საგანმანათლებლო შესაძლებლობების შესახებ. საკითხი მზადდება პროექტის „ისწავლე და დასაქმდი“ სახით, რომელიც მიზნად ისახავს დაინტერესებული ახალგაზრდების ინფორმირებას, კვალიფიკაციის ამაღლებას და შრომის ბაზარზე კონკურენტუნარიანობის გაზრდას.